

張劍 張燕嬰整理

莫友芝全集

第五冊

中華書局

張劍 張燕嬰 整理

莫友芝全集

第五冊

中華書局

邵亭知見傳本書目卷九

子部七

術數類

太玄經十卷

漢揚雄撰，晉范望注。○明嘉靖甲申郝梁重刊萬玉堂宋本。○明天崇間黃道周（一）、王
僎翻刻萬玉堂本，一依原式，較郝本少脫誤，唯無王涯說玄及音義。○萬曆中鄭樸刊
本，無注。○天啟丙寅趙如淵刊評校本，群書拾補內有校正若干條。○今道光辛卯孫澍

〔一〕周：稿本、繩本、守機本脫此字，據訂補本補。

刊本集注四卷。○郝梁本前有陸續述玄一篇，後附唐王涯說玄五篇，侯芭、虞翻等太玄音義一卷，前又有玄圖。拜經樓藏宋本，萬玉堂刊，後附唐王涯說玄五篇，侯芭、虞翻等太玄釋文一卷，每頁十六行，行大小字〔一〕俱十七，原缺三卷，盧抱經抄補。鐵樵記。○邵亭曾借觀梅復齋藏萬玉堂宋刊全本，與鍊樵所記同，其十卷後尚有玄圖一紙，次釋文，次王涯說玄，說玄卷末一行云「右迪功郎充兩浙東路提舉茶鹽司幹辦公事張寔校勘」。

司馬溫公太玄經集注十卷

後四卷許翰注，明錢徹藏本。○嘉慶戊午吳門五柳居陶氏刊。○四庫未收。○張金吾書志有鈔本太玄集注十卷，云宋司馬光撰，前有讀玄一篇，後四卷則襄陵許翰所注也，仿韓康伯注繫辭例，合溫公書爲十卷，末附明徐禎卿等識語。

太玄本旨五卷

明葉子奇撰。○明正德刊本作九卷。○藝海珠塵焦袁熹太玄解一卷。

元包五卷附元包數總義二卷

〔一〕字：繩本、守機本、訂補本脫此字。

北周衛元嵩撰。○津逮秘書。○學津討源。○天一閣刊原書十卷，缺下三卷。○邵亭有曹秋岳藏舊明刊仿宋本。

潛虛一卷附潛虛發微論一卷

宋司馬光撰。○說郛。○唐宋叢書本。無發微論，且多脫文。○天水冰山錄有宋板潛虛衍義四冊。○知不足齋本。○焦袁熹潛虛解一卷。藝海珠塵刊。

皇極經世書十二卷

宋邵雍撰。○明刊。○邵子全書本。○道藏本。

皇極經世索隱二卷

宋張行成撰。○路氏有鈔本。

皇極經世觀物外篇衍義九卷

宋張行成撰。○皇極經世附刊本。

易通變四十卷

宋張行成撰。○路小洲有宋刊本。○明費宏鈔本。○汲古閣鈔本。

觀物篇解五卷附皇極經世解起數訣一卷

宋祝泌撰。○路小洲有舊鈔本六十二卷，又附四卷，以校四庫本譌脫甚多，似錢遵王本也。

皇極經世解八卷

國朝王植撰。○提要作「十四卷」。〔一〕○乾隆中刊本。

易學二卷

宋王湜撰。○提要作「一卷」。〔三〕○通志堂本。

洪範皇極內外篇五卷

宋蔡沈撰。○提要無「外」字。〔三〕○雍正元年張文炳刊。

天原發微五卷

宋鮑雲龍撰。○元元貞間鄭昭祖刊本。○明天順辛巳刊本三卷。○嘉靖刊本。○近

〔一〕 繩本無此句，徑改書題作「皇極經世書解十四卷」。稿本於書題「世」下添「書」字，「八」旁注「十四」字。守機本、訂補本從繩本。

〔三〕 繩本無此句，徑改書題作「易學一卷」。稿本於書題「二」旁注「一」字。守機本、訂補本從繩本。

〔三〕 繩本無此句，徑刪書題之「外」字。稿本亦點去「外」字。守機本、訂補本從繩本。

年刊明鮑甯辨正五卷。

大衍索隱三卷

宋丁易東撰。○路小洲有鈔本。

易象圖說內篇三卷外篇三卷

元張理撰。○通志堂本。

三易洞璣十六卷

明黃道周撰。○黃石齋九種本。

河洛精蘊九卷

國朝江永撰。○乾隆甲午刊本。

右術數類數學之屬

譙子五行志五卷

唐濮陽夏撰。張氏志云，新唐書藝文志、崇文總目著錄，言天文占驗事。敏求記曰，譙

子不知何時人，殆未之詳考。○舊鈔本。〔一〕○明鈔本，丁禹生藏。〔二〕

觀象玩占五十卷〔三〕

唐李淳風撰。○四庫存目。○又有別本，附物象通占十卷。

靈臺秘苑十五卷

後周庾季才撰。舊鈔本。敏求記十二卷。四庫存目別本百二十卷。

乾坤變異錄一厚冊

題唐李淳風撰。直齋書錄有此書，云一卷，不著撰人。○丁禹生藏述古堂舊鈔本。

唐開元占經一百二十卷

唐瞿曇悉達奉敕撰。○昭文張氏有舊鈔本。○廣東道光中新刊小字本。

天文會元占二十卷

〔一〕稿本此句在書題下，今據繩本。按稿本該條重出，繩本予以整合，從之。守機本、訂補本從繩本。

〔二〕繩本誤作「舊鈔本。丁禹生藏明鈔本」。守機本、訂補本從繩本。

〔三〕繩本此條後有「乙巳占三卷」一條，箋云：「唐李淳風撰。四庫未收。影宋抄殘本，半頁十行，行二十四字。」守

機本、訂補本從繩本。

舊鈔本，不著撰人。原書卷數無考，今存三垣及畢、觜、參、井、尾、箕、斗、牛、女、虚、危、鬼、柳、星、張、翼十六宿，共二十卷。是書諸家目無著錄者，唯天一閣書目有天文會元十二冊，未知即此否。中引景祐新書、乾象通鑑、增廣天文考異。宋天文家唯乾象通鑑尚有傳本，餘俱久佚，藉此考見大略，疑是宋元人舊帙。張氏志。(一)

天文大成管窺輯要十卷

國朝黃鼎撰。○坊刊本。○四庫存目。

乾象通鑑一百卷(二)

南宋人撰。○平津館有舊鈔本。○孫馮翼重抄之，今歸豐順丁氏。

右術數類占候之屬

(一) 稿本後注：「當移術數類占候之屬。」按稿本原批於「七政推步七卷」，繩本據注移於此處，從之。守機本、訂補本從繩本。

(二) 繩本此條後多「清類天文分野之書二十四卷」一條，箋云：「明劉基奉敕撰。坊刻本。」守機本無此條，訂補本從繩本。

宅經二卷

題黃帝撰。○說郭。○夷門廣牘。○津逮。○學津。○道藏本。

葬書一卷

晉郭璞撰。○明鄭謐注本。○明黃慎行訂古本。○明張希元注古本。○近人刊二十
二子本。○康熙辛未葉泰刊本，在地理大成山法全書內。○學津討源本。○借月山房
彙鈔本。○吳元音箋注地理大全本。

葬經一卷

○津逮秘書本。〔一〕○題青鳥先生撰。金丞相兀欽仄注。入存目。

葬經翼一卷附葬圖一卷內篇一卷雜解一卷

明繆希雍撰。○津逮秘書本，題綠君亭刊。

地理大成四十五卷

〔一〕繩本此句在文末。守機本、訂補本從繩本。

○刊本。〔一〕○明葉泰編撰。內山法全書十九卷，平陽全書五卷，地理六經注六卷，羅經撥霧〔三〕集三卷，理氣三訣四卷。

撼龍經一卷疑龍經一卷葬法倒杖一卷

唐楊筠松撰。○葉泰刊本。○甘福校刊本。○地理大全本。○平津館目有宋刊疑龍經一卷，每頁廿八行，行廿五字。

青囊奧語一卷青囊序一卷

唐楊筠松撰。○葉泰刊本。○地理大全本。

天玉經內傳三卷外編一卷

唐楊筠松撰。○葉泰刊本。○地理大全本。

靈城精義二卷

南唐何溥撰，明劉基注。○葉泰刊本。

〔一〕繩本此句在文末。守機本、訂補本從繩本。

〔三〕霧：訂補本誤作「露」。

地理新書十五卷

○金明昌刊。〔一〕○宋官撰本。○宋初因唐呂才叔陰陽書中地理八篇增輯爲乾坤寶典，景祐初命修正舛鑿，別成三十篇，賜名地理新書。皇祐三年又詔王洙等勾管刪修，事具洙進書序。金世宗大定甲辰，平陽畢履道校正，爲之圖解。章宗明昌壬子當宋紹熙三年。張謙復爲精校以行，此本蓋其時刻也。四庫未收，各家書目亦未著錄，亦術數家古笈僅存者。黃丕烈、汪士鐘皆經藏，今歸豐順丁氏。

催官篇二卷

宋賴文俊撰。○葉刊本。○地理大全本。

發微論一卷

宋蔡元定撰。○明弘治刊本。○謝昌〔一〕注本。○地理大全本。

右術數類相宅相墓之屬

〔一〕繩本此句作「金明昌刊本」，且在文末。守機本、訂補本從繩本，然訂補本誤作繩孫補書。

〔二〕謝昌：稿本、繩本、守機本、訂補本皆誤作「謝昌德」，據史實改。

黃帝龍首經二卷金匱玉衡經一卷玄女經一卷

並占驗之書。嘉慶中陽湖孫伯淵依道藏本刊，合本行記、軒轅傳爲黃帝五書。

靈棋經二卷

漢東方朔撰。○明正德庚辰榮府刊本。○嘉靖間刊本。○墨海金壺。○珠叢別錄本。

○坊刊通行本。

易林十六卷

漢焦延壽撰。○漢魏叢書。○津逮秘書。○明周曰校刊本，四卷。○嘉慶十二年黃丕

烈仿宋刊本，十六卷。宋本有注，絳雲一炬後遂失傳，黃所據陸敕先校宋本耳，只四卷。

宋本與時本句注不同。

京氏易傳三卷

漢京房撰。錢遵王云注陸續撰。○漢魏叢書。○鹽邑志林。○天一閣本。○津逮秘

書。○學津討源。○諸刻本多舛，馮定遠、沈杲堂俱有校本。○近嚴鐵橋重輯本十八

卷，未刊。

六壬大占一卷

宋祝泌撰。泌字子涇，德興人，以進士授饒州路三司提幹，以老乞休，元世祖徵，不起，詳江西通志。是書宋志及諸書目未錄，此從宋刊本影寫。前有進書序及六壬起例，謂六壬之說古今不宜其旨，惟周禮砮蒺氏掌覆天鳥之巢，以方書十日十二辰、十二月、十二歲、二十八星之號，即壬盤之體，三代之壬書唯此一證。與術家以五行始于水，水生于一，成于六之說異，錄以資參考。○傳望樓刊本。○阮氏以進呈。

六壬大全十二卷

不著撰人。○明郭氏刊本。

大易旁通天元〔一〕賦八卷提綱一卷

○元刊本，不著撰人，蓋占課之書也。有建陽鶴田叟蔣易師文父序。昭文張氏所藏。

卜法詳考四卷

〔一〕元：守機本、訂補本脫此字。

國朝胡煦撰。○乾隆三十八年胡氏刊，附周易函書後。

右術數類占卜之屬

五行大義五卷

隋蕭吉撰。○四庫未收。○日本佚存叢書本。○知不足齋刊本。○阮氏以進呈，提要略云吉字文休，梁武帝兄。江陵陷，遂歸于周，爲儀同。煬帝嗣位，拜太府少卿，加位開府。事跡具隋書藝術傳。是書自序稱博採經緯，搜窮簡牒，略談大義，凡二十四段，別而分之，合四十段。二十四者節數之氣總，四十者五行之成數云云。考隋唐志均不著錄，本傳亦不載此書。然史稱吉博學多聞，精陰陽算術，今觀其書，徵引秘緯，多逸亡秘笈，非後人所能僞也。

李虛中命書三卷

題鬼谷子撰。唐李虛中注。○墨海金壺。○守山閣。

王照定真經一卷

晉郭璞撰，張顥注。○劉寬夫有鈔本見示，庸劣無稍發明。

星命淵源五卷

不著撰人名氏。○提要作「溯源」。〔一〕○路氏有鈔本。

徐氏珞琖子賦注二卷

宋徐子平撰。○墨海。○守山。○昭文張氏有抄宋刊本六卷，王廷光、李全、釋雲瑩、

徐子平四家注，乃原本也。題云「新編四家注解經進珞琖子消息賦注」。

珞琖子三命消息賦注二卷

宋釋雲瑩撰注。○墨海。○守山。○宋刻三命消息賦四家注六卷，東方朔疏五卷，藏

胡心耘家。

三命指迷賦一卷

舊本題宋岳珂補注。○讀畫齋叢書本。○知不足齋藏宋本。○乾隆間金德興重刊，板

〔一〕繩本無此句，徑改書題作「星命溯源五卷」。稿本亦於「淵」旁注「溯」字。守機本、訂補本從繩本。

口有「桐華館」三字。

演禽通纂二卷

不著撰人。○四庫依天一閣鈔本。

天步真原三卷

明西洋穆尼閣撰。○與天文類所刊之天步真原所出一人，而書不全，此書專言祿命。

○守山閣本。

星學正傳二十一卷首總括圖三卷又玉井奧訣一卷玉照神經一卷末圖說二卷

明楊淙撰。○萬曆壬午自序刊。

星學大成十卷

明萬民英撰。○明刊本。

三命通會十二卷

不著撰人。○明萬曆六年刊本。○雍正乙卯蔣國祥補刊本，甚多脫訛，闕第十二卷，而以第十卷元理賦以下分爲二卷。○英德堂刊袖珍本。